

## DIALOGUS XVI.

De

Beneficio Remissorum ONERUM PUBLICORUM.

TULLIUS.

I. **U**ti subditos moderata decent Vestigalia , & Tributa , quibus Ærarium Principis constare oportet , ut expensis publicis sufficiat : ita nec operam suam negare illi possunt ad labores publicos , ut hoc ipso quoque medio Princeps , dum negotiis publicis actu instat , sumtibus relevetur . Hujusmodi porro servitia , quibus subditi tenentur , onera publica appellantur , tamque graviter sæpe , ac ipsa Tributa , feruntur . Unde Principi , his etiam oneribus modum adhibenti , pulchra Beneficentia materies exhibetur . Geminos hodie numeros , non plures , qui Nervam Imperatorem in hac parte eximie commendant , expendemus , eosque rursus a me ex immortali Ill. Spanhemii opere in profectum tuum advocatos . Horum priorem antequam aggrediatis , prævie mihi de Onere VEHICULATIONIS instruendus es : quam vocem Vir illustris in solo hoc nummo , ac deinde in antiquo unico marmore , quod Lipsius ad Panegyricum Plinii adducit , reperiri advertit . Idem hæc vox designat , quod alias Quirites veteres vulgo Rem Vehicularēm , Vehicularium munus , Vehicula publica , Cursum Vehicularēm , sæpissime vero Cursum publicum dixere . Duo complectebatur officiorum , vel potius servitorum genera : unum Vehicularum , quæ a provincialibus ubique cum congruis jumentis parata haberri debebant , sive , ut illi , qui Principis , aut Reipublicæ jussu proficiscebantur , promtum haberent itineris usum , sive ut Tributa , vel in pecunia , vel in speciebus præbita , commodum , celeriusque advehi possent . Alterum Veredariorum , seu Equorum , mulorumque parata copia : quorum ope , & mutatione nuntii ultro citroque missi , itineris atque dierum compendia facerent .

II.  
Spanhem.  
Tom. II.  
p. 562. seq.  
Strabo  
L.V.p.251

Antiquissimam onoris hujus originem apud Quirites Ill. Spanhemius ex Strabone repetit a pœna , qua Romani Picentinos , Lucanos , atque Bruttios , ob defectionem ad Hannibalem , mulctarunt , ne videlicet militarent deinceps : sed Magistratibus in provincias euntibus parere , & PRAE-

*PRAE MINISTRARE* servorum vicem jufferunt. Currere ergo cum iis, atque præcurrere debebant. Alias vero Magistratus, ad Exercitus & Provincias profecturi, publico ex ærario mulis, tabernaculis, aliisque itinerum adminiculis instruebantur, *Cicerone*, *Livio*, *Suetonio*, ac *Dione* testantibus. Soli legati, repente aliquo missi, jumenta per singula oppida exigebant. Primus porro *L. Posthumius* Consul An. Urb. DLXXIX. in Campaniam iturus, ac Prænestinis infensus, cum publicum sibi hospitium, tum jumenta parata imperavit: quo pacto, ut subdit *Livius* hoc *Liv.* recensens, *Jus*, velut prolato exemplo, *Magistratibus* fecit graviorum indies *L. XLII.* talis generis imperiorum: quæ majore semper licentia illi exercuerunt. *c. 1.*  
 De *Augusto* deinde *Suetonius* perlibet: *Et quo celerius*, ac sub manum, *an.* *Sueton. in* nunciari, cognoscique posset, *quid in provincia quaque ageretur*, *JUVENES* *Aug. c. 49.* primo modicis intervallis per militares vias, dehinc *VEHICULA* dispositi. *Commodius id visum est*, ut qui a loco eidem perferrent literas, interrogari quoque, si quid res exigerent, possent. Nempe Juvenes intermedii unus ab altero recepit literas: *Vehiculis* autem unus idemque nuntius, qui destinatus erat, vel ad locum, vel ex loco venit, poteratque esse de visu etiam testis.

Sub iis, qui sequebantur, Principibus eadem *Vehiculatio* perduravit: aliter tamen aliterque iterum ac iterum imperata fuit. Modo enim a privatis ad fiscum translata: modo ejusdem onere certæ tantum provinciæ levatae: modo indictis legibus cautum de numero, provisu, cura, alimentis animalium id genus publicorum: modo restricta, vel ampliata iisdem utendi facultas. Commodissime fere de his nos erudiit *Procopius*: *e quo discimus*, *Cursum* ab Imperatoribus institutum, *sive*, ut hostium, *Procop. Ar-* aliorumque seditiones nunciarentur, *sive* ut annua vectigalia apportaren-*can. Histor.* tur. Quocirca via unius diei, *octo*, vel quinque ad minimum stabula, *c. 30.* inque singulis eorum equi quadraginta dispositi esse debebant: ut adeo cursu unius diei decem dierum compendium facere possent Cursores, si-*ve* Veredarii: qui priores, non ut hodie, a currendo pedibus, sed a velocitate itineris appellati sunt. Non parva quidem abinde commoda in privatos nonnullos derivata sunt, ob promercales fructus, quos alen-*dorū* cum stabulariorum, tum equorum, *sive* mulorum, & qui ad *Ve-* *hicula* deinceps quoque adhiberi solebant, boum atque Camelorum causa, quæstoribus vendiderant. Contra vero Magistratus Urbicos, quibus hujus utriusque, tam quæ Curribus, quam quæ Veredariis, seu Cursorum equis siebat, *Vehiculationis* cura indubie incubuit, ea res maximis certe in-*commodis* affecit. Conquirenda enim erant jumenta, exstruenda stabu-*la,*

*Liban. O-*  
*rat.in Juli-*  
*an. necem*

la, procuranda pascua, Vehicula non unius generis comparanda, providendum mulionibus, carpentariis, veredariis &c. Postulata saepe super numerum indictum Vehicula, vel equi: utraque ultra modum onerata, male habita jumenta, perque viam non regiam, sed transversam improbamque traducta, fraudulentæ saepe evectiones, & quæ ad publicam rem non attinebant, tentatæ, & his similia: de quibus uberiorius Libanius differuit. Verbo onus multifariam grave hujusmodi Vehiculatio fuit.

P. 295.

**IV.** *PUB.* Satis mihi jam patet, *Nervam* ejusdem Remissione oppido in Italiam beneficum fuisse, atque omnino promeritum, ut tantæ Indulgentiæ suæ perenne monumentum currenti in ære sibi statueretur. *TULL.* Pingitur illud ab Ill. *Spanhemio* modulo æris magni sine *Aversa*, quam *Nervæ* capite ac nomine illustrem facile noveris. In *Aversa* stant geminæ mulæ, liberæ, ac pascentibus similes, oneribus, quibus exsolutæ sunt, retro post eas conspicuis. *Epigraphe*: **VEHICULATIONE ITALIAE REMISSA.** Infra S. C. De modo hujus Remissionis conjiciens Ill. *Spanhemius*, primum demonstrat, ampleque ostendit, *Italæ* præ omnibus aliis Orbis Romani provinciis illustriorem fuisse, melioremque semper conditionem. Deinde existimat, credi posse, *Vehiculationem Italæ Remissam* prædicari in hoc numo. Vel 1mo. quod *Nerva* eam omni hoc onere absolverit: uti innuere videntur mulæ in numo, omni onere liberæ. Vel 2do. quod ejusdem procuratio magistratibus Urbicis Italæ fuerit remissa, & ad Fiscum translata: quia hoc factum esse, omnium primo in *Hadriani* vita atque historia a scriptoribus proditur. Vel 3to. quod Italos impensis alleviaverit, quas magnas sane, ac multiplices eam in re præbere debuerant: uti ipsa Epigraphe numi indicare videtur. Demonstrat vero ulterius, in sequentes quamplurimos Principes non minus permagni hujus oneris incommodis, & inquis eapropter exactiōibus moderandis, opem suam, gratiamque adjecisse, idque adductis fabuberrimis eorundem Constitutionibus ubertim confirmat. Sed in iis nobis immorari jam minime vacat.

**V.**

*PUB.* Nempe, ut auguror, sequens pariter numus, omni typo suo mihi peregrinus, tribus, ut ajunt, verbis a te enarrari haud poterit. *TULL.* Enarrabitur facile, si pauca te juvent. *Nervæ* est denio vultu ac nomine clarus, modulique magni apud Ill. *Spanhemium*. In *Aversa* Palmam vides elegantem, notum Judææ in numis symbolum, cum geminis Caryotis inde pendentibus, sive dañtilis præstantissimi generis. Penes literæ S. C. quæ senatus consulto hunc numum, adeoque

*Spanb. un-*  
*de supra*  
*p. 571. seq.*

**Tab. V.**

**N. VIII.**

a Ro.

a Romanis cusum, liquido probant: ut adeo multum a vero aberraverit Cimelii S. Genouefæ Enarrator, arbitratus, a Judæis eundem in gratiam Nervæ Imperatoris, suique Benefæctoris eximii signatum fuisse. Epigraphe est: FISCI JUDAICI CALUMNIA SUBLATA. Novum est hoc Beneficentia genus, cui locum Domitianus crudelitas fecit. Postquam nimirum Judæi sub Pompeio in Romanorum devenere potestatem, stipendiarii facti, tributa multa pendere debebant: relictæ tamen iis, qui per Romanas provincias dispersi erant, fuit facultas, quotannis Didrachmam suam Jerosolymam in Gazophylacium mittendi. Vtabant vero id, libera adhuc Republica, plures Provinciarum Rectores: sed Jul. Cæsar id in omnibus provinciis, non uno, verum pluribus edictis, teste Flavio Josepho, denuo indulxit.

*Flav. Jo-  
seph. Anti-  
qu. L.XIV  
c. 17.*

Captis autem Jerosolymis, & everso Templo, Titus Imp. statuit, ut Judæi omnes, qui Romanum per Imperium maximo numero dispersi se Judæos aperte profiterentur, patriisque vivere ritibus vellent, Didrachma, quod prius quotannis Jerosolymam misere, Jovi deinceps Capitolino persolverent, ut Dio Cocceius refert. Quæ ratio fuit Fisci Judaici instituti. *Dio Cocce.  
L.LXVI.* Domitianus deinde, fratri Tito per sicarios sublati succedens, cum primum continentior, necdum in sævitiam & rapacitatem deflechteret, *Fiscales ca-  
lumnias magna calumniantium pœna repressit.* Sed neque in Clementiæ, neque in Abstinentiæ tenore permanens, quod Suetonius ait, jussit, ut prater cæteros JU- *Sueton. in  
DAICUS FISCUS acerbissime ætus sit: ad quem deferebantur, qui vel, ut pro-  
fessi, Judaicam intra Urbem viverent vitam, vel dissimulata origine, imposta gen-  
ti tributa non pependissent.* Pro voculis: *velut professi: legere maluit illi. Span-  
hemus, scribitque: improfessi: eo quod essent nonnulli, qui Judæos se non  
profiterentur, ritu tamen Judaico viverent.* Atqui pace tam Illustrissimi viri idem, puto, intelligemus, tametsi legerimus: *qui vel, ut professi, i.e.  
more eorum, qui professi sunt se Judæos esse, Judaicam in urbe agerent  
vitam.* Quidquid vero de hac lectione sit, Domitianus, more Caligulæ pro- fusiſſima prodigalitate antea delirus, deinde exhaustus operum ac munerum im- penſis - - uti nihil penſi habuit (verba sunt Suetonii) quin prædaretur omni mo- do bona vivorum & mortuorum usquequaque, qualibet accusatore, & criminis cor- ripiebantur: ita & omnes, quicunque demum, vel in dissimulatæ judaicæ originis suæ, vel in minimi ritus Judaici observati suspicionem, jure, vel injuria delati, apud eundem venere, acerbissime ad Fiscum traxit, pluri- bus penitus insontibus ingentem Calumniam perpeſſis. Interfuisse me adolescen- tulum memini, pergit idem Sciptor, cum a Procuratore, frequentissimoque Conci- lio inspiceretur nonagenarius senex, an circumcisus effet.

*Ex-*

VII. Experti tum certe sunt, non tam Judæi professi, qui videlicet ut tales se publice fatebantur, sed multo magis ii, qui, quod re vera erant, tacuerunt, aut, quod re vera non erat, esse tamen ob quamcunque minimam suspicionem visi sunt, *Fiscales* potissimum *Aeliones Calumniosas* dici: eo, quod eisdem præfecti, *Fisci*, ac Commodorum Principis obtentu, *privatorum*, seu provincialium fortunas omnes everterent. Unde recte *Clar. Juris Interpres Jac. Gothofredus* ad legem Honorii contra Calumniatores latam notavit: *CALUMNIATORES* sunt, qui sub nomine *FISCI* facultates impetunt alienas, & innocentes quietos esse non permittunt. Non sine causa itaque *Theodoricus Gothorum Rex*, apud *Cassiodor*, quemdam *Fisci* sui *Advocatum* ita commonuit: *Sume igitur FISCI nostri tuendi negotia* - - - *ita per medium Justitiae tramitem incede, ut nec CALUMNIA* innocentes graves, nec justis petitionibus retentatores exonerem.

*Gotbofr. ad Leg. III. Cod. Theod. de Ca- lumiaco. Cassiodor, Var. Le- gion. L. c. 22.*


VIII. Quare hujus numi Epigraphen: *FISCI JUDAICI CALUMNIA SUBLATA*: ita accipias, velim, ut persuadas tibi, *Nervam Imperatorem* nequaquam *Judæos* veros, quique se tales professi sunt, levasse tributo solvendæ quotannis *Jovi Capitolino* didrachmæ, quod eis *Titus* imposuerat: sed serio duntaxat inhibuisse, ne, qui *Judaicam superstitionem* non professi, levissimis tamen ex suspicionibus *Judæi* habiti & judicati sunt, ad idem tributum cogerentur, donec gravibus convinci rationibus potuissent. Unde non *FISCUM JUDAICUM*, sed ejus duntaxat *CALUMNIAM* sustulit. Quod interim *Nervæ* editum per Scriptores jam rursum nesciremus, ex solo hoc nummo discimus. Nequaquam autem post *Nervam* immunes fure *Judæi*: sed ob crebras eorum defectiones, dirutis per *Hadrianum Jerosolymæ* muris, in singula deinceps capita tributum, aliasque insuper collationes, *Appiano* teste, pendere coacti sunt. Quæ onera cum inde ad usque impium *Julianum* Apostamat durarent, ipse tandem, in Christianæ Religionis odium, *Judæam* & *Hierosolymas*, ac templum instaurari cupiens, se fatente, *immensum aurum*, quod, a *Judæis* coactum, in *FISCI* rationes inferebatur, eis remisit, *Brevibus*, seu *Chartis*, quibus illud descriptum erat, a se accensis, adhortatione præcipue *Juli*, tum patriarchæ *Judæorum*, ad hoc inductus, quem *Fratis*, & maxime reverendi Patriarchæ nomine dignatus est. Hæc autem singula rursum *Ill. Spanhemio* in accepitis refer.

*Appian. Bell. Syriac. p. 119.*

*Julian. Ep. XXV. ad Communum Juædor. p. 396.*

IX. *PUB.* *Immensum* sane omnibus, & hujus, & proxime anteriorum Dialogorum, eruditissimis ac utilissimis doctrinis recreor, tanto magis, quod nullo fere Numorum inibi expitorum felix, tua solummodo Beneficen-

ficientia , eorum & ectypa depicta , & quæ recondunt , mysteria perspeximus . Quam belle , quam ubertim hæc erudiunt : quam oppido & Augustorum Gloriam , & Reipublicæ Romanæ Arcana , Numorumque tandem Utilitatemi multo maximam demonstrant . *TULL.* Id vero ut faciant , tamen hæc nosceres , imo & ego tecum , quod dixi , viro Illustrissimo , Magistro nostro , debes unice . Cum ipsum aliquando accedere , ipsum evolvere poteris , tum primum incomparabilem ejus , sive industriam in conquirenda , sive dexteritatem in applicanda , ad Numos luce clarissima perfundendos , omni Antiquitate , summo cum stupore admiraberis .



## DIALOGUS XVII.

De

Munificentia LVDORVM , & præcipue de VENATIONE , ac LVDIS SECVLARIBVS .

*PUBLIUS.*

**Q**uæ nova se pandit in residuis Tabulæ tuæ Væ . Numis Ludorum scena , perjuncti aliquid ipso mihi nomine spondet . I.

*TULL.* Pertexenda nobis est tela , quam haec tenus de *Augustorum* in Rempublicam *Beneficentia* jam dudum versamus . De Spectaculis quippe ac ludis , duorum duntaxat numorum lustratione , hodie initium facturi , ignorare ante omnia non debemus , hujusmodi a *Tullio* , propterea , quod in gratiam plebis sumtuosissimo apparatu a Principibus fierent , ac fere semper *Misilium* , ac *Congiariorum Liberalitate* Cicer. Off. stiparentur , MVNERVM LARGITIONEM , a *Capitulino* vero INDVLGEN- cior. L. II. TIAM appellitari . Alio nomine usus *Suetonius* , ita de *Tito* scribebat : c. 18. *Capitol. in Et tamen nemine ante se MVNIFI CENTIA minor , Amphitheatro dedicato , Anton. Pie. Thermisque juxta celeriter exstructis , MVNVS edidit apparatussum , largis- c. 10. Sueton. in sumque . Dedit & navale prælium in veteri Naumachia : ibidem & gladiato- Tito. c. 7. res : atque uno die quinque millia omne genus ferarum . Vides ergo , ludos , atque spectacula , recte a me inter *Beneficia* , partesque *Liberalitatis Augustæ* adnumerari : quoniam & cum *Muneribus* conjuncta fuerant , & Lar-*

*Pers II.*

T

gi-